



Posljednje vijesti

Predsjednik Kazahstana Nursultan Nazarbajev jučer je zadužio svoj ured da se pripremi država za prelazak na latinično pismo s ćirilice. Tako će ova zemlja službeno pismo promijeniti treći put u manje od 100 godina. Prelazak na latinicu će ići postepeno, navode iz ureda predsjednika.

Pripadnici SIPA jučer su na području Banje Luke pretresli jedan stambeni objekat i uhapsili jednu osobu koja se sumnjiči da je ratovala u Ukrajini.

Tri osobe su povrijedene sinoć u sudaru tri vozila u sarajevskom naselju Pofalići, kod hotela Bristol. Povrijedeni su prevezeni na KUM KC-a Koševo. Nešto kasnije u ulici Zmaja od Bosne ispred kampusa automobil audi je udario pješakinju koja je nakon nesreće prevezena na KUM Kliničkog centra Univerziteta u Sarajevu. Stepen njenih povreda se utvrđuje.